



Nummar 6.
18ad jakkegærdde.

Korsfjord'ast:
30ad MARS 1916.

Redaktøra:
OLE A. ANDERSEN.

Okta Læstadius sarnin.

(2. sodnabæivve basse 3. gonagas bæive mannel).

Tæksta Johs. evang. 2, 2.

Apostal Johannes čalla dam bæive evangeliumest, atte Jesus ja su mattajægjek bovddijuvvu-jegje Kanaan hœjaidi. Johannes i čale maidege dam barragoddest læigo dat kristalaš barragodde; mutto mi arvvedep, atte dat læi kristalaš barragodde, dastgo bakenak æi læk bovddim Jesusa hœjaidi. Ja mist læ maidai daggar osko atte dak barragoddek æi læk alggam naitusdilesek boastot nuftgo dam aiggasaš bakenak dakkek. Mutto dal aivestassi læ okta ašše mi bigja min æpedet lægo daggar naitusdille Ibmelest, mi billed barragodde k ista ašvuoda, goas goabbašagak læba kristalažak ja læba bovddim Jesusa hœjaidi.

Almaken læ fuobmašuvvum ja guoratallujuvvum, atte lundolaš rakisvuotta datto billedet kristalašvuoda daina lugin, atte nuft farga go guttege kristalaš nieidda algga olbmubardne rakis-tet, de moittek kristalažak atte su kristalašvuodast læ juoga fæila. Muttomak alggek ballagoattet ja garvek kristalažaid ja mutto-mak alggek vælttadek kristalaš servi, ja muttomak alggek rakis-tet ibmelmættomid ja dam bokte šaddek ibmelmættomak. Dat i læk nuft stuora imaš atte nieidak šad-dek ibmelmættom ja bakenen, go si alggek ibmelmættomid rakis-tet. Mutto dam mon læm imaštallam,

atte gō kristalaš satta bakena rakis-tet ja daggaraža, gæn ješge doalla bakenen, ja almaken læ læ oaže rakisvuotta stuorab go persovna rakisvuotta. Mi diettep atte persovna dat læ vaimorakis-vuotta, mi galgaši vuostamuš naitusdilest; mutto oaže rakisvuotta læ bæssam gaski ædnagin, goas i geččujuvvu dam ala maggaraš son læ luondo bælest, gæina son man-na oktavutti ællemakai. Vaimo rakisvuotta i galgasi billedet kri-stalašvuoda, gæst læ buttes vai-mo rakisvuotta; mutto oaže rakis-vuotta billeda kristalašvuoda ja i læk buttes oamedovdo dalle goas oaže rakisvuotta læ bæssam væi-talassi. Daggaraš rakisvuotta dak-ka muttom nieidai ugjon, ja gud-ne bajasšadda dademielde go oa-že rakisvuotta. Mutto jos naitus-dille læ ješaldes gudnalaš, Ibme-lest mærreduvvum ja asatuvvum, de dast i galgaši læt mikkege hæppadlažaid, mi galgaši čikkujuv-vat daihe biettaluvvut. Luther læ dam nuft guoratallam, atte naitus-dille læ basse, goas dat Ibmel dato mielde daptuvva. Mutto læžžago daggaraš naitusdille Ib-melest, mi billeda sodno krista-lašvuoda. Mon æppedam atte dag-garaš naitusdille i daide læt Ib-melest; mutto fuorravuoda bærga-lak læ daggaraš naitusdile matkai sattam, ja dast i læk bovddijuv-vum Jesus hœjaidi.

Bovddijeket Jesus hœjaidi buok bakenak, gudek leket man-nam ja dast manas mannabetet naitusdillai daihe mudoi manna-betet likkotesvutti. Mon oskom, atte Jesus boatta hœjaidi, go son bovddijuvvu, ja eritvuojek naitus-

dile bærgalaga! Mutto Jesus i boa-de hœjaidi bovdeketta, ja dat naitusdile engel erit battara jos ik læk goččomen njuokčamak bag-jel Dalle oažžo dat boares agja daihe olmai hoiggadet milli maid son datto.

Mi galgašeimek vela vidaseb-bot sardnut daid birra, gudek læk bovddim Jesusa hœjaidi; mutto mi galggap vuostačedin rokkadallat, atte buok barragoddek, gudek æi læk bovddim Jesus hœjaidi rie-mašegje odne rokkadallat, atte Jesus boadaši hœjaidi, ja dak gu-dek læk bovddim Jesus hœjaidi galgašegje maidai rokkadallat atte Jesus agjanifči gukkeb aige sin lutte, dam ragjai goas dat stuora ækked dollujuvvu. Gula dam don stuora ækkedažadoalle ja vuoina-laš vidnehakke gæfhes hæjjavaš šuokatusaid! Amen!

(Loappa boatte nummaist.)

„Gæca mon læm din mielde buok beivid gidda mailme loapa ragjai.”

Dak ærrosanek min Hærra Jesusest læk famolažak eritagjit dai ædnag vaivedægje jurddagid, mak sevdnjis aigid siste viggek bakkit ouddan. „Mon læm din mielde.“ Daid sanid siste læ jed-detus. Man audogas læ vuoina-det dam siste — dego čokkedet Jesus julgi ouddi — jos vela læ-ge stoarbma sikke siskel ja olgol. Son læ maidai stoarbma siste — ja sust læ fabmo cælkket sikke storbmi ja baroidi „Oru jaska!“

Mutto man buorre atte son i aivestassi læk dušše stoarmast

lakka. Mi darbašap su lika ollo daina buorre beivin, čuvggis beivin, jos dak galggek šaddat buristsivdnedussan migjidi. Man gærgadak mi læp — dalle dego buok mogja migjidi — go min ællemalbme orru læme šælgad ja balvatæbme — dalle dalvvat Ibmelest — ja oskot ječamek ješvækketuvvum. Mutto son i læk vajaldattam min — ain læ su gietta olgusgeiggejuvvum — ja dikta davja baldetægje balvai gæsset bajas — doalvvom varas min vuoinastam sagjai fast.

„Mon læm din mielde buok beivid!“

„Mon darbašam Jesus mielldam, vagjolet okto sate im.“

Albertha Agersmyr.

Gonagas Alkohol.

(Sisasaddijuvvum Porsangast).

Mu jotteman vuolde læm mon oaidnam Sameædnam vuodnaloavkoin nuftgo maidai sulluin, moft alkoholgonagas hæjaid doalla, ja atte moft dadde olbmui manak eccek dam garruduvvum jukkamuša (vina) mi læ ædnagid dolvvom agalaš gadotussi, ja læ maidai ædnagid buktam hæjos dillai runašlažat j. n. v.

Mu jotteman vuolde oidnim mon mannam gæse Simavikast ovtta vaivan olbma, gæst ligoi gal tinistus alkohol jukkamušši, ja go olmuš vissoi bodi, de læi gramofona bævde alde; — mutto vuoi, viesso læi dego rievvarbiegjo juokke dafhost nuft atte mon bottim jurddelit, atte don olmai lifčik læm buoreb anu gavdnam daidi rudaidi, go dam garruduvvum jukkamušše ja havskodakki.

Nuft bottim jurddelit maidai Lagesvuonast dam čavča go oidnim olbmui manai navdašcemen dam garruduvvum buolle čace, atte gal daidaši læt æra adnu daidi rudaidi, go atte vidnai bigjat. Mutto vuoi dadde dam gahadvuoda, maid mon oidnim Sturoravuonast dam dalost gost mon orrom. Go dalo nuorra æmed čuožžot uvna guorast ganjal čalmin moraš vaimoin gæčadedin go su ised (okta ællemalbme olmai) vuostaivaldi buok lagaš „rabilistai“

ja algi navdašek duom biročace nuft atte dak gæk legje dast ožžom viessosaje ferttijegje vuolget erit ija gitti.

Dat læi dallo, gost vildavæka i jærram lobe, atte oažoigo ikko daihe bæiveg sisaboattet; mutto buok læi aive „velkommen“ sisaboattemist, ja sulasti nuftgo ædnamlaš helvetin, gost læi aive jukkam ja garrodæbme mæsta juokke bæive.

Nuft satta maidai celkkujuvvut min vuona harrage josjoge dal læ vebaš staigodam ovtta vuose jukkamest, nuft atte i læk bæivalaš fidno; mutto i sate almaken bæloštuvvut; dastgo bagjegieldaidi fievreduvvu vina min gielda čada nuft atte buok šadda ovtast jukkamuššan, ja juokke nuorra gandra go son satta vebašge vazžit ja tinit, de læ vuol olmai, go nagada vinaflaskost j. n. v.

Vuoi! navcatis væka, man don læk juo suoppetæbme, go buok du illo læ alkohol gonagas hægjabævdest, ja nuft balggai, čoaggemsajin ja girikko baikin čajetet du olmaivuodaid nuft atte vanhemak, akak ja varrasogalažak šaddek gillat ollo du ibmelmætom ganohis amuk diti, nuftgo maidai æra vigitis olbmuk gillajek duoi suoppetis garruduvvum vinajukki diti.

Savvamest lifčiči, atte vina eritheittujuvvušiči nuft atte i gavdnušiči goassege.

Ollo dærvuodaiguim

IX.



Girkkonjargast.

Hr. redaktøra!

Mon bivdam moadde šadnai saje „Nuorttanastai“.

Mon maidai læm gullam dam gielestægje saga birra, mi „Nuorttanaste“ alde læmaš dam „goddum rænga“ birra. I han dat læmaš duotta. Læigo son vulgattam dam saga, gutte blade ala čali? I son, mutto dat gieles

mailbme, gutte fal bivtatalla duottan. Dathan læi sakan gogo Sydvarangast, atte P. A. læ rængas goddam. Dam sardnu hærrak ja narrak, fiskarak ja dalobuoigek. Dat gutte čali, læi gullam sæmma lakai ja jaki daid giellasid. Jakke vissasi mangas dam. Mon oidnim dalle manemuš „Nuorttanastest“, atte P. A. čalla, gutte læ gavdnun frijan. Mon læm gullam maidai lensmand čallest go mi vulgimek Girkkonjargast dampa „Varanger“ mielde. Go mon jerrim gosa son jotta, de son muittali mokest j. n. v.

Nuft dat vulgi dat saka duššest. Im mon sivatala dam olbma, gutte čali; mutto dam, gutte algost vuolgati dam saga matkai ja bovti høerrai matkai.

Girkkonjargast, 15—3—16.

R. S.

*

Vebaš muittalam vela Girkkonjargast drifta birra. Malma barggek læk Girkkonjargast arvo mielde 1500 olbma. Balkka læ maidai buorre; mutto galvvo læ divras, manditi barggoolmai i sate birggit. Okta ænkai olmuš gal birgge; mutto bæraš olbmuk illa birgijek, go buok læ divrrum.

Dal læ alggam bomulloid vuogjek Girkkonjargast Submi. Muittalek, atte muttom beivid vugjek 100 hæsta bomuld lastaiguim Suomaædnami. Dak galvok læk tuollofria. Sokkarak maidai dovvujuvvujek arvo mielde 50 ton (1 ton dakka 1000 kilo.)

Vuogjek læ ænaš suobmelažak.

Njuorjobuoidde læ maidai hirbmad haddest, sæmmago flæska. Jos joge læžža divrrum gavppeolbmaid galvvo, de ožžuk maidai dalobuoigek sin galvostæsek buorre hadde. Migjidi læ ollo vække dam bruvkast, ja mi berrep Ibmelest gittet dam oudast, go son læ čajetam davverid daidi višaidi, atte læk gavdnam dam.

Sivllanuottom Dænojokkanjalmest.

»Vestfinmarken Socialdemokrat« nr. 9 alde čalla ordfører Lilleeng dam rubrika vuolde: »Dilalašvuotta Sameædnam amtast,« Buolbmak gielda gaskavuodai birra. Maidai luossabivdo bæggala son oanekažat navt:

»Dat fidningæidno, mi ouddal jagest jakkai addi stuora tiednas i læk

dam manemuš aigis maidege balkestam aldis. Vuoddon dasa gaddetuvvu læt, atte dat vuost oudemusta læ šaddam nuft ollok, guđek bivddek luosa ja nubbin čuožžotek olbmuk, atte dat skieftates sivllanuotte-bivddo Dænojoganjalmest baldda luosa nuft atte dat i duosta bajas jokki mannat, ja buok čajeta dam ala atte dat læ duotavuotta daid čuožžotemin.

Maid nuft boatte aigge aiggo buktet orro dam mattai fantasi (gaddoi) mailmest, mutto jos munji læš savvon enosit, de gaddam mon atte čiččedi ja manemušši sadda aibas nokkat luossabivddo, jos æi sivlanuotik dallan šadda gilddujuvvut nuftgo gaidbeduvvu manga guovlost.*

Dam lakkasaš duššalaš hallam galggap gukka oecat.

Vaiko dam sivllanuottoma birra læ juo čallujuvvum ja hallujuvvum nuft ollo sikke almos nago nuftgo maidai olbma ja olbma gaskast, ja i læk dal šat nuft »aktuel« go 2—3 jage dast ouddal, de aigom mon goit ordförar Lilleeng artikkal gæčed, mi sivllanuottom harrai guoska, ouddanboattet moddin čilgetusain.

Luossabivddo daid manemuš aigid læmas obba Dænovuonast hui fuodne, i sagga algage dagjat. Na gost dalle galgga luossa Dednoi boattet go mærast læ vadne.

Luossa i læk daid manemuš jagid boattam Finmarko gaddi vuollai nuft valjis go oudalis aigin.

Sivllanuottom Dænojoganjalmest algga juokke jage 15—20ad juli — i goassege arad — go dalle læ dat aigge go sivlla boatta Dænojokkanjalbmai, ja dalle læ maidai dulve nokkam.

Dam aige læk juo buok luosak, mak jokki galggek hajabælde Dænojokkanjalme, ja dalle gaddam mon, i gavdnu šat oktage luossa vuolabælde Gollisullu.

I luosast læt dille ajatallat mærast daihe Dænojalmest, dast læ hoappo mannat Dednai — mađe arad, dađe buoreb — vai bæssa jogaidi nu bajas go vejolaš dam bale go čacci læ jogain æmbo.

Dænojokkanjalbme læ okta stuorra app enubbegadde i obba saggu oidnuge, moft dalle matta sivllanuottom hettit luosa mannamist Dednoi, ja go dasa vela bottek luondo hettitusak, nuftgo garraravnjek ja garradalkik,

mak hettijek sivllanuottoma sagga, ja go vela læ dušše 3—4 dimo muttom aige fiervas, de dam i matte heivit cælkkit, atte sivlla nuottom billida Dæno luossa bivdo.

Must læ vuoddo cælkket, »Uccan ullok ja ollo bargas!«

Dænonjargast 15—2—16.

Z. Samuel.

Dat vajalduvvam brævva.

(Dat brævva læi šaddam doares bællai ja nuft i šaddam blađđai oudal sisavalddujuvvut. Red).

Hr. redaktöra!

Fertim moadde sane čalestet digjidi vanhemak din vivotesvuodadek harrai.

Don vanhem, mutte du manaidad burid dagoid dallego legjik buocam sængast, atte man ollo buore si dake dudnji sin apidæsek mielde; mutto mannel go don gukkes buocam mannel čuožželet bajas, de don alggek sin burid dagoid ruoktot maksit buolle angervuodain finesvuoda hame vuolde du lakasad mailbmai čajetam varas du gitemættomvuodaid.

Don viggek vuolasdæddet sin juokkelagan hame vuolde ja ožžok maidai du boarrasebbo bardne mielvækken, atte gaskit du nuorab bardne ja duššendakkat su, vaiko son vela dalge læ dego barggošivit. Barga buok ovtast bargoi ovtalakai alma mange nimmurkættai.

Don cædne, hæite erit daggar hæjos davi ja ane du manaidad buoreb arvost go dal. Ja don gi logak maidai ječad kristalazžan, ale šat du boarraseb barnin ane »galggo-koanstai« gammar čiegast; inutto dakket buoradusa ja adnuk gutteg guiminæsek andagassi, ja allet šat ane daggar heivemættomvuoda ja birolašvuoda dalost nuftgo dal.

Di vanhemak, adnet buoreb avver din manaidædek diti ja bajasgæssit sin Hærra balloi ja allet difte šlæidovuoda profetaid sarduut daloinædek buok smavva manai gullut buok nuoskis sagaid, mak æi læk avkalaža sillui, mutto æmbo dolvvot gadotusa govddis balgga mielde hævanæbmai, ja allet duodaš šat sin riektan nuftgo dam ragjai leket dakkam. Hæittet erit daggar heivemættomvuodaid!

*

Digjidi nuorra olbmak ja nisso-

nak dattom mon cælkket, hæittet erit buok bæivalaš joavddelas visastallami, man bokte di sattebetet gavdnujuvvut stuora »krangal kassan«, ja man bokte di sattebetet massit din buorre karaktera. Hæitam dam have čallemest savadedin atte mu bitta sisavaldduši.

Okta nuktačægje Væstasameædnamest.

Dam vuostamuš

vinevuostai sardne doalai, nuftgo dittujuvvu, dat ægyptalaš visesolmai Kakimni, gutte eli 4000 jage ouddal Kristus riegedæme.

Muttom sanek læ vela muitton baccan ja læ čuovvovaža:

„Doalat ječad erit garrimjukkamušast! Uccanaš čace satta časkadet goiko, ja okta bitta melon (muttom lagaš šaddo) satta virkosmattet din. Man baha dat læ oaidnet atte olmuš massa jurdašamnavcaid ja hærravuoda sanides bagjel. Son læ hæpaden su ædnasis ja nallasis. Buokak savvek: Vare son manaši farga!“

Soattehæstai

dilalašvuotta.

Mi gullap nuft davja soatte historjast dam varnotesvuoda ja hæde maid olbmuk gillajek hædest; mutto dam have aiggop mi muittalet vebaš hæstai dilalašvuoda soađe vuolde, dađemielde go okta tuiska soatte korrespondenta čalla. Son læ ješ læmas soadest ja nuft šaddam čalmeduodaštægjen spiri varnotes dillai soađe vuolde. Dak vaivanak læk javotæmek ja væketæmek, ja sin vuoiggadvuotta ožžujuvvu aive olbmuid væke bokte. Si galgašegje juo læt sin lagamužak.

Buokak di, guđek juokke hæive lakkabetet viššalet dai gukkes bittai jabmi ja havvadattuni birra ja sin issoras gillamušaid, lepetgo di goassege jurdašam spiri dilalašvuoda ala dam dilalašvuoda vuolde?

Di galgašeidok mannat soatte-sajidi. Boattet rafhalaš baikest soatte baikai ja oaidnet daid javotes spirid oasalašvuoda soadest! Gæčad hæstai mak gessik haččembierggasid, moft dak šieddaluvvam jabmeme gessek kanonai nuoraid ja geđgid bagjel. Moft dak njalakastek ja jorralek ja gačček dam jiegnagalbmom ædnam ala, mutto cabmujuvvujek fast bajas ja agju-

juvvujek vidasebbot ruottat olles famost. Dak čužžok gasko soađe nuftgo mige. Ja nuftgo mi, havvadattu-juvvujek sige ja jabmek. Mutto si gillajek vela værrabut go mi olbmuk; dak nelgguk ja golluk ja čužžuk ija ja bæive olggon hæjos dalkest ja buolašest.

Lepetgo di oaidnam daid vaibaur hæstai oudabælde galvvovavnoid, mak spire mielriegadam oskaldasvuodain dimo dimo manest čužžuk dast fievredam varas soaldatidi ællamuš darbašid? Aa, mon cælkam digjidi, soađe gæinok læ goëppas gavdnat; dastgo dak læ dikkaduvvum jabma hæstaiguim, mak dal dalve aige æi gudnejattujuvvu havddademiŋge. Dušše garanasač bottek ja borrek daid.

Leketgo di goassege oaidnam ovta jabmam soattehæsta? Moft dam bagjel vuoinada jabmemhabme. Man čiegnalvuoda gillamušain æi muittal dak vaivan oktiroankagam lattok — gillamušak mak olbmū diti læ dæivvam daid vaivan spiri.

Go okta soaldak olgusmæркаša ječas, oažžo son ramadusa. Igo hæsta læk bálkašam væra? Jos vela dat i sate guoddet gudnemærkaid ja ruovderuosa, de daddeke fertteši dat balkašuvvut æra lakai

Dat korrespondenta loapata su bittas daid saniguim: Di mielldattok dam tuiska rikabæivest — bevilgejeket soattehæstaidi 2—3 pund haverid æmbo bæivvai go dak dal ožžuk!

Bappa vadnevuotta.

Tromsa stiftast legje jage algost 15 bapaammata rappas, ja 2 ammata halvassi bapataga. Jage loapast legje 9 ammata bapataga ja 2 ammata halvassi bapataga.

Guovddageino olbmuk læ sagga duttamættomak, go sin bapa læ valdam boacokommiššonai Nuft oidnu muttom čallemen ovta daro blađest.

Garas aigek.

Tuiskalandast lægga, atte davalas viesoin i sate šat adnujuvvut vuogja, lakca daihe monne. Sikke mielke ja æra vuogjaadnu læ garraset vuolasmannam dam maneb aige — dušše manaid ja bucid diti.

Bierggo ja guolle adnujuvvu dušše lasadussan ækkedes borramuši; ja dušše iddedes oažžo olmuš borrat ječas gallas laibin.

Ænaš borramuš læ dal ruonasšadok, potetosak, šaddok, laibbe ja gaffe. I læk dal buorre læt tuiskalaš.

Mailme-soatte.

Soatte bægga læt garas.

Okta Hollanda dampa

„Tubantia“ læ gieskad vuogjoduvvum torpederim daihe mina bokte, go dat læi jottemen Mada-Amerikai. Dampa alde legje 1500 passešera. Buokak gagjujuvvujegje, nuftgo maidai ænaš oasse dampalbmūin, oktibuok 338 olbma. Dat dampa læi 14,000 tona. Dam alde legje dačak, ruotalažak, danska- ja amerikanalažak. Dat vuojoi 2 minutast.

Tuiskalaš

finansminister diedeta rikabæivest atte soatte dam ragjai læ maksam 160 miliarder marke, mast 100 ententi ja 55 centralfamoidi.

Østerrika

soatte fabmo læ dal 4 miljon olbma, maina 1,700,000 olbma ruosa bælde, 1/2 miljon italialaš bælde ja 200,000 Balkanest.

Mærraslag

læ gieskad læmaš olgobælde Flandern gaskal 3 tuiska torpedovadnas ja 5 engels torpedojagera. Engels skipak besse battarussi.

Aibmosoatte.

Fast læi tuiskalaš gœččalam suppit aibmoskipaiguim madde Englanda bagjel 50 bombai bagjel Dover, Margata, Ramsgata ja Deal. 9 olbmū sorbmašuvve ja 31 havvaduvve.

Albanien.

Prins Wied'est læ namatuvvum gonagassan Albaniast Durrazzost.

Molde-buollem

vahag rekenastujuvvu 1,100,000 krudnoi.

Buollamkassa aiggo dal lonet Norga bankost 5 miljon kruvna.

Diedetusak:

Navdenakik

sikke guovččain, gumpin, albasin, geđtkin, ruksis—rista—čæppis ja silharievainin, vilgis—ranis—alik ja čæppis —njalain, čævrain, neđin ja buoidagin ostojuvvujek must alimus haddidi.

Sadde navdenakkid poasta mælde munje deika gæčadubmai, de alimus haddik mæreduvvujek daida ja diedetuvvu æigadi.

Jos son dutta fallojuvvum haddidi, de saddejuvvu ruttamakso sudnje, mutto jos i, de ruoktotsaddejuvvujek nakkik franco.

Buok æra sorta nakkik maid ostojik alimus haddidi.

S. A. Samuelsen,
Karasjok.

Fuobmajeket dam!

Okta aibas ođđa lato læ must vuovddet. Oaste čallus mudnji, gæn bokte gavpe matta dakkujuvvut.

Josef Eriksen,
Kolvik.

Ođda girjek!

»BIBALA OAPPO OAMEDOVDO BIRRA.« Hadde 25 evre frimærkak ja girje boatta fria poastast. Dam girjest læ 60 sido.

Darogiel girje »VORE BRØDRE LAPPERNE«, 96 sido ja manga govva, mast maidai min miššon bargid govak, maid særvest maidai Lunja rokke ja »Nuorttanaste« redaktøra govva. Dat darogiel girje muittala Same miššon bargo birra Sameædnamest algo rajest dam ragjai. Dam girjest gavdnu maidai Sami apostal Thomas von Westen govva. Hadde 30 evre frimærkak, fria poastas saddejuvvum. — Daggar dinggum-brævak æi mana portofria poastast. Dinggu dallanaga ja čale:

Nuorttanaste ekspedition,
Korsfjorden, Altenfjord.

»Nuorttanaste« olgusboatta guovte gærde manost — dam 15ad ja dam 30ad bæive juokke manost.

»Nuorttanaste« maksa ovta kruvna olles jagest, blađe dinggujuvvu juokke poastarappe bokte.

Prenttejuvvum «Nuorttanaste» prentimærkanusast, Korsfjord'ast.